



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓՈԽՎԱՐՉԱՊԵՏ

Ո Ր Ո Շ Մ Ա Ն

N 766 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓՈԽՎԱՐՉԱՊԵՏԻ 2023 ԹՎԱԿԱՆԻ
ՄԱՐՏԻ 1-Ի N 157 - Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
ԵՎ ՆՈՒՅՆ ՈՐՈՇՄԱՄԲ ՀԱՍՏԱՏՎԱԾ ԾՐԱԳՐԻՆ
ՀԱՐԱԿԻՑ ԳՈՐԾԱՐՔԻ ՄԱՍԻՆ

Համաձայն «Նորմատիվ իրավական ակտերի մասին» օրենքի 34-րդ հոդվածի 1-ին մասի և հիմք ընդունելով «Բարեգործության մասին» օրենքի 13-րդ հոդվածի 2-րդ մասի 3-րդ կետը՝

1. Հայաստանի Հանրապետության փոխվարչապետի 2023 թվականի մարտի 1-ի «Զինվորի տուն» բարեգործական հասարակական կազմակերպության կողմից իրականացվող «Զինվորի տուն» վերականգնողական կենտրոնի թողունակության մեծացում» ծրագրի մասին» N 157-Ա որոշման մեջ կատարել հետևյալ փոփոխությունները՝

1) հավելվածի 9-րդ կետում «600.000.000» թիվը փոխարինել «550,000,000» թվով, իսկ «180.000.000» թիվը՝ «230,000,000» թվով.

2) հավելվածի 10-րդ կետում «Շինարարական աշխատանքների մասով ծառայությունների մատուցման պայմանագիր - 565,000,000 դրամ» բառերը փոխարինել «Շինարարական և թողունակության մեծացմանն ուղղված այլ աշխատանքների մասով ծառայությունների ձեռքբերում - 515,000,000 դրամ» բառերով,

իսկ «Կահույքի ձեռքբերում - 50,000,000 դրամ» բառերը՝ «Գույքի և այլ սարքավորումների ձեռքբերում - 100,000,000 դրամ» բառերով:

2. Սահմանել, որ «Զինվորի տուն» բարեգործական հասարակական կազմակերպության (ՀՎՀՀ՝ 00904586) կողմից «Էլեկտրոնի ինֆորմացիոն սերվիզ գրուպ» սահմանափակ պատասխանատվությամբ ընկերության հետ (ՀՎՀՀ՝ 00522004) 2024 թվականի սեպտեմբերի 23-ին կնքված՝ N EIS-23092024 պայմանագրում նշված գործարքը, որով նախատեսվում է վերելակի մատակարարման, տեղադրման, կարգավորման, տեխնիկական փորձաքննության և երկու տարի անվճար սպասարկման աշխատանքների իրականացում 9,600,000 դրամի չափով, առանց ավելացված արժեքի հարկի, անմիջականորեն կապված է Հայաստանի Հանրապետության փոխվարչապետի 2023 թվականի մարտի 1-ի N157-Ա որոշմամբ հաստատված ծրագրի իրականացման հետ և դրա համար ունի զգալի նշանակություն:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ

Երևան